

کتابخانه

آدره من تبدیلند ایریجه
غروش کوندرملیدر.

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرسلرینک
فرانسزجه یازلسی رجا اولنور.

پاره کوندردیکی زمان نهیه
دائر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد ماکف

والله یهدی من یشاء الی صراط مستقیم

آبونه شرائطی : هریر ایچون
سنه لکی (۴۰۰) آلتی ایلنی
(۲۲۵) ممالک اجنبیه ایچون
سنه لکی (۴۵۰) آلتی ایلنی
(۲۵۰) غروشدر.

نسخه سی ۷,۵ غروشدر.
سنه لکی ۵۲ عدددر.

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر.

مسلكه موافق آثار مع المنونیه
قبول اولنور. درج ایدله یین
یازیر اعاده اولنماز.

عمومی اخلاق بحرانی

جمهوریت غزتهسی یازیور :

« اولکی کرئکی غزتهلده قارلر ، هرکونکی فاجعهلردن برینی دها اوقودیلر : برکنج ، برعموخانهده دوستی ایچون اوکی باباسنی ووریور ، سوکره ، دوستنک قولتوغنده صافلانمایه کیدرکن پولیس قارشیسنده قالنجه برقورشوندده کندی قلبنه صیقیور ... بو ، هرکونکی فاجعهلردن بریدر . علیالماده بییمی بر احترام ، بو احترامک ایستدیک قوت و شدتله حکم سورمهسنه قارشی هر هانکی طرزده بر مانع وانکل جیقیدینی دقیقهده ، اجتماعی مقدسات نامی آلتنده طانیدیغیز هر نه وارسه هرشی آلت اوست اولویور . و اوزمان قارشیمیزده یوزلجه عسقل معنوی قوتلوق ایله ایجملش ، رقت و حساسیت کسب ایتمش بر بشر نمونهسی رینه قودورمش بر منطقله صارصیلان بر حیوان مثالی کوروویور !

غزتهلر بوکونکی فاجعهلرک آنجق بر قسمی ، پولیس ژورنالرینه و محکمه دوسیهرینه انتقال ایدهجک اولانلرینی قیدایدلر . فقط بوکونکی فاجعه یالکیز پولیس ویا عدلیه دوسیهرلنده بر طوتاجق اولانلردنمی عبارت ؟ یا اوتکیلر ؟ اطرافزده کورمه کوره نهایت کورمهک چوق آلیشیدیغیز ایچون کوزلریزده هیچ بر شدتلی تأثیر یایماین حسابسز فاجعهلر ؟

حیاتمزلک هانکی ساحهسنه و هانکی کوشهسنه باقسهق اوراده اجتماعی مؤسسهلر ایچنده بویوک بر آتارشی ، کرفت بر جدال ، ایچندن جیقلماز مشکل بر کرداب چالقالاندیغنی کوروویور . اسکی جمیتک اخلاق ییقلمش ، یکی بر جمعیت اخلاق قورولاماشدر . بونک ایچون هانکی طرفه باقسهق اوراده بر فاجعه کیزلندیکی ، هرشیده غیر مطرد بر روح ، هرشیی مباح طانیان ، هرشیی بیقان و هیچ برشیی یایماین ییقیجی بر روح حاکم اولدیغنی کوروویور . بابا ایله اوغل دوشان ، آنا ایله قیز رقیب ، قاردهشلر بر برینه قارشی غدار ، خلاصه بوتون وطنداشلر آراسنده مشترک ، عمومی بر اخلاق بحرانی ... ایشه بزم اجتماعی بنیهمنی کیرهن خستهلق ! »

استانبولده اخلاق ملینک مدهش بر صورتده سقووط ایتمکده بولونمیشی یومی غزتهلرکده موضوع بحث ایتمیه باشلاماسی شایان تشکردر . شعائر اخلاقیهک انهدامنی یالکیز دینی بر مسئله تاقی ایتمک طوغرو دکلددر . بو ، بذیان ملینک اساسنی تشکیل ایتمکدهدر . ملتی ظوتان ، یوروتن اجتماعیاتیدر . استانبولک بعض محیطلرلنده باش کوسترن بو بحران اخلاقینک بوتون مملکتی صارماسه میدان ویرمه مک ملت رهبرلرینک اک متحکم وظیفهلریدر . بوکون بورادکی اخلاقسزلقلر ، سفاهتلر معاذالله آناطولی بی استیلا ایتدیکی کون آرتیق هیچ برشیلر یوقدر . اساساً جهالت ایله پنجهلهشمکده اولان خلقلک یکانه سرمایاسی اولان معنویاتیده الدن کیدرسه نه حاله کلیر ؟ اونک ایچون ، هنوز صاچاغی صارمندن بو تهلکه اجتماعینک اوکنه کچمک لازمدر .

اولیای امورک بو خصوصده کوستر جکلری همت ، بذیان ملی بی انهدامدن قورتاراجقدر . بوتون غزتهلر بو اخلاقسزلقله قارشی جدی صورتده مجادلهیه باشلامالیدر . بر طاقم سفاهتپور اخلاقسزلرک کینی ایچون قوجه بر جمیتک تللری چوکمسنه رضا کوستریلهمن .

بارلر ، دانس سالونلری ، راندوو محللاری ، ایچکی یرلری آلابدیکنه توسع ایدوب طورییور . بک ارغلنک هر پاستهجی دکانی یا بر میخانهدر ، یا بر ناموس مقتلیدر . بارلرده ، دانس سالونلرلنده جریان ایدن حادثهلری یازمقدن بیله انسان اوتانیر ، ناموس ملی نامه اک بویوک بر حجاب دویار .

لکن مع التأسف بوکون بومدهش اخلاقسزلقلر ارتکاب ایدیلوب طورمقددهدر . و بونلری ارتکاب ایدنلر هیچ برشیله کندیلرینی مقید کورمیدن باشقه ملتک روحیله ، وجدانیله ، حسیاتیه استخفافده ایدرلر . نه شعائر ملیه طانیدقلری وار ، نه آداب عمرمیله ! بونلردن بحث ایدنلره کولرلر .

ایشته بذیه اجتماعی بی کیرهن خسته لغک میقروبلری بونلردر . بو میقروبلره قارشی هیئت اجتماعیه تدابیر تحفظیه نخاذ ایتمک مجبوریتنددر . « جمهوریت ، غزتهسنک بو امراض اجتماعیه حقنده نشریایده بولونمسی شایان تشکردر . بو اساسی و بک مشکور اولان مجادلهلرلنده دها واسع بر صورتده دوامی تمی اولنور .

روسیه مسلمانلرینک استقبالی

لهینک وفاتی متعاقب کرک روسیه داخلمده بولنان خالص روس ملتک ، کرک بعدالاتقلاب ممالک اجنبیهده ملتجی صفتیه بولنان روس اقوامنک کنیش روسیه مملکتک هن قریب قومونستلر تسلطندن قورتیلهجفی امیدلری کوندن کونه تزیاید ایدیور .

هرحاله قومونستلر میانشده برشتت وتنازع میدان آلمقده اولدیغنی انکار اولوناماز . کچنلرده بیکارجه قومونستک بارتیدن طرداولنمسی تدبیری کوسترمیه کافیدر . ممالک اجنبیهده بولنان روسلرک کافهسی کال امنیت ایله قومونستلرک سقووطنه انتظار ایتمکدهلردر . اونلرجه بو ، بویوک برامل ، بویوک بر امیددر . بر کون کلهجک بونلر مقصدلرینه واصل اولاجقلر . فقط مسلمانلرک حالی نه اولاجق ؟ مملکتلری اللرندن آلینهرق روسیهیه الحاق ایدیلن قازستان ، قیرغزستان ، تورکستان مسلمانلرینک تاریخاً مثبت اولان حقوق مشروعهلری نه اولاجق ؟ بونلر برشی دوشونیورلری ؟ دوشوندکلری تقدیرده تکرار انقلاب زمانی کلنجه نه یاپهچقلر ؟

ایشته عمومیتله روسیه مسلمانلرینک ، بالخاصه اورال ، وولفاساحهسنده ساکن قاتارلرک ، بوکون اولزسه یارین ، بو مهم بر مسئله اقرارشوسنده بولنهچقلری محققدر . بزم فکرمه کوره روسیه مملکتی قاریشهچقدر .

افسوس صد هزار افسوس ، نتیجه اعتباریه قاتارلرک حصهسنه ینه هیچ برشی اصابت ایتمهچکدر . زیرا بویکرمنجی عصر علم عصری ، قوت عصریدر . کال اسفله اعتراف ایدهلم ، بونلردن هیچ برشی روسیه مسلمانلرلنده یوقدر . بوکون روسیه ممالک وسیمهسنده یکرمی میلیون مسلمان وار ایسه ، بونلر میاننده طالب تحصیل کورمش ایکی یوزدن فضل آدم یوقدر . قاج دوقتوروار ؟ نهایت اونبش . قاج آووقات وار ؟ نهایت یکرمی : قاج مهندس وار ؟ اولسه اولسه اون ، اونبش . ضابطان عسکریه هیچ درجهسندهدر . حرب عمومی اشناسنده المانیاده سکسان آلتی بیک قاتار عسکر نفری اسیر بولنیوردی ، بونلر میاننده آنجق اوج اسلام ضابطی بولنیوردی . آوستریاده تقریباً بزم